

Государствд үс оруудж өглгънә джилә зура күцәгдв

Яшалтинск района „Новый мир“ колхозин колхозникуд орн-нуттан үс оруудж өглгънә джилә зурагъан цагаснь өмн күцәх болдж үгән өгцхәлә. Эн төрәр болсн хург деер, хойрдгч фермин заведующ ур Лысенко ингдж келв.

—Орн-нуттан үс оруудж өглгънә джилә зурагъан өнгрсн джиләс хойр холван икәр бидн үс өгч күцәдж чадхвдн.

Увл му болад, өвснә көрнъ багъ болсн бийнъ, эн фермин көдләчнр темдглсән күцәхәр икәр шундж көдлцхәв.

Огсн үгән күцәхин төлә, бәәсн күч-көлсән, цуг ухагъан тәвдж, мах, тос болн үс гаргългъяр өбрхн цагин эргцд Америкин Соединенн Штатсиг күцхмн гисн, мана партин дуудврар күн болгън гардвр кеджәв. Тер төләл эн фермд үснә литр болгън диглдж авгдг билә. Саальчнрин өдр болгъни көдлмшин ашиг, кедү саадж авсиг болн ягъдж көдлдж йовхиг фермсин көдләчнрт тер өдртнъ цәәлгъдж медүлгднә.

Малас гардг эдл-уушиг икдүллгънә төлә ноолдан малчнрт гиигн биш болв. Хаврин эклцәр малин шимтә хот икәр багърв. Тегәд, өвсн, солом икәрвлгънд оруулгдв. Зуг чик тоолдж диглгън, ухатагъяр, эзн кевәр эдл-ахун зөбриг эдлгън диилвртә болгъв.

Малин чинәг гелго, дундинәр бәрхмн гисн колхозникудин килмдж, эврәннъ ашан өгв. Саалин укромд үвләс сән чинәтә гарч, теегин ногъан көкрснәс авн үсән немдж өгдг болв. Көк өвснә шимнъ шуд саалин укромдт халддж, үснә гарцинь икдүлджәв. Увләс этцн, мах-мерән уга гарсн мал болхла өвснә цуг шимнъ түүнә чинәнә ясврт орх зөвтә бәәсмн. Тиигдж эн фермд украин үснә гарц икдлгъ эклсмн.

Апрель сард эн колхозин саалин дөрви ферм зурагъар темдглснәсн күс-дундур холван ик үс өгцхәв, май сард болхла саалин үкр болгънас 770—800 литр үсн авгдв. Хойрдгч фермин коллектив (заведующи ур Лысенко) түүн нур бәрв. Эн ферм хойрдгч сарин эргцдән райондан негдгч орм эзджәнә.

Кедж-күцәдж болман тоолдж, саалин малд көдләчнр эн джилә түүн брәлднъ орн-нуттан үс оруудж өглгънә джилә зурагъан күцәх болдж шиидцхәв. Иим шиидвр өбршидр зергддж бәәсн колхозмудт эс күләджәсн генткн

зәнъг болв. Малчнр орн-нуттан үс оруудж өглгъиг Алдр Октябрьск революцин сән өдр күртл күцәхмн гиджәсмн. „Новый мир“ колхозин колхозникудин шин даалгъврин туск зәнъгиг зәрм гардачнр дала иткл угагъяр тосцхав.

—Өнъгәр көбрджәцхәнә—гидж зәрмнъ келджәцхәв.

—Теднә седварәс юмн болшго—гидж келдгнъ чигн билә.

„Новый мир“ колхозин малчнр партиг болн Төрскән производственн ик диилврәр байрлулцхадж, июнь сарин 10-д үс белдлгънә пунктур джилә зура күцәлгънә сүүлин центнер үсән күргдж өгв. Государствд өггдх 4978 центнер үснә ормд 5273 центнер оруудж өггдв. Цааранднъ чигн джилә зуран тоод үсн өггдә бәәнә. Алдр Октябрин сән өдр күртл 400 минъгън килограмм үс өгх болдж малчнр темдглджәцхәнә.

Колхозникудин шунлт өдр болгън өбдлджәснә учрар ик производственн диилвр бәргдв. Колхозин тосхлтин цаарандк делгрлтин болн машинн-тракторн станцсин бурдәмджиг снъгдаруллгъна тускар гарсн партин болн правительствин шиидврәр болн дакад эрк биш оруудж өгдг тәвциг болн МТС-н көдлмшин төлә натуроплат өгдгиг уурулхин тускар, селәнә эдл-ахун хот-хол белдлгънә шин диг-дарана, үнин болн условийн тускар гарсн КПСС-н ЦК-н июньск Пленумин тогтаврар өргмджлгдсн малд көдләчнр чидлән болн медрлән әрвлго, саалин малиг өскдж, үс саалгъиг икдүлхин төлә зүткцхәв.

Колхозин йилгъу сән көдлджәх әмтн дунд саалин үкр болгънас 1000 литр үс саадж авсн саальчнр Л. Ефименко, В. Кобзева, М. Эдель, Э. Шефер, Р. Шефер, О. Лысенко, А. Иванчева, М. Лысенко, Е. Безуголова, Т. Ноженко, Е. Гутнева, Н. Шефер, Н. Шипанова нанъ чигн кесг улсин нерд бәәнә.

Уурмуд А. Лысенко, А. Паркер, П. Будыльский, К. Гуриин фермин сән гардачнр. Эндгосударствин сә хәәлгън юнас чигн өбдән төр. Эднә ик килмдж, шунлт орлсн учрар орн-нуттан оруудж өгх үснә зура сәәнәр күцәгдв.

Эн колхозин саалин фермсәр күч-көлснә күчлгън сулдджахш. Малчнр болн саальчнр үснә гарциг цааранднъ чигн икдүлджәцхәнә.

А. ПАВЛОВ.